

P. Placi a Spescha e la fiast centenara della Ligia Grischa 1824

Autor(en): **G.G.**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **7 (1933)**

PDF erstellt am: **20.07.2024**

Persistenter Link: <https://doi.org/10.5169/seals-881273>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

veta monastica. Sco pastur ha el prestau bia buna lavur era per il beinstar terreste e giu muort siu character fetg original enqual differenza.

Seregurdond dad el, cun caschun de siu giubileum — igl ei gia 100 onns dapi sia mort, — seregurdein nus era da siu giavisch de buca vuler truar memia rigurus sias scartiras ed insumma el sez.

El ruaussi en pasch tier il Segner
e vivi en buna memoria tiels carstgauns!

G. Batt. Sialm plev.

Litteratura.

1. „Pater Placidus a Spescha, sein Leben & seine Schriften“ von Prof. Dr. Fried. Pieth, Prof. Dr. P. Karl Hager & P. Maurus Carnot.
2. „P. Placidus a Spescha.“ Christian Caminada, Schweiz. Rundschau 1916/17, Heft 1 & 2
3. „Album Desertinense,“ P. Adalgott Schumacher O. S. B.
4. „Selva avon 100 onns“ da P. Baseli Berther O. S. B.
5. „Illustriertes Bündner Oberland“ von Dr. Chr. Tarnuzzer & Prof. I. C. Muoth.
6. Manuscret: 23 priedis de P. Placi a Spescha.
7. Testament de siu Augsegner, daus a Sr. Pieder Joseph Spescha de Crestas gl'onn 1825.“ (Manuscret)
8. Brev de P. Placi a Spescha a R. Sgr. Decan Dr. Theol. Jodocus Liberatus Steinhäuser, plevon a Rueun. (Original en mauns de Dr. med. A. Tuor-Steinhäuser, Glion.)

Per evitar ina fatscha memia scientifica, per buca spuentar il sempel lectur e schar al calender siu character popular, hai jeu schau dad ina vart ils schinumnai „pedals“, abstrahau da pli bia citats e remarcas precisontas, caussas ch'ei schiglioc necessarias. Igl ei sufficient d'indicar mo la litteratura per quels che vulan encutir in pli detagliau sclariment.

P. Placi a Spescha e la fiasta centenara della Ligia Grisca 1824.

Avon ca 20 onns ha il nunemblideivel P. Baseli Berther p. m. giu la ventira de scuvierer duas fetg interessantas canzuns romontschas ord la pleva de P. Placi, che quel veva giu fatg silla modesta fiasta centenari de 1824 a Trun. P. Placi ei era staus igl organisatur della fiasta, in fatg che muossa danovamein ch'el era in bien patriot. All'ocasiun de quella modesta fiasta, ha el capiu d'inflamar ils purs romontschs per lur liber tschespet artaus dals perdavonts.

Davart il bi decuors della fiasta sezza, san ins leger els organs romontschs per la fiasta centenara de 1924. Per era mussar la poesia, pli-tost schetga, de P. Placi, suondi cheu la canzun, ch'ils buozs pigns e pli gronds han cantau sco merlotschas giud la roma digl Ischi vegl, ferton che nos urats ed uratas schavan gustar lur marendas pridas cun els ellas valischas e bulschas, emplenidas cun puolpas, andutgels, caluns nuorsa, manetschs e spinals. Era il vin valtrina curevi quei di ord breles ad incontin:

Canzun
dils giuvens pigns, respondent dals gronds:
gie, gie ect.

1. *A nus plai è quei grond Ischi,
Sil qual nus pigns ruschnavan si;
Sur nus cantavan ils utschals,
Sut nus pastgavan ils cavals.*
2. *Da leu vesevan nus castials,
En quels fugavan gronds tyrans:
Grad quels rafavan nos vadials,
Magliavan quels sco tons utschals.*
3. *Giud quei nos babs ein seuni,
Vesend lur feglias pridas vi;
Sut questa plon' ein serimnai,
De nos Signurs bein cusseglai.*
4. *Lur mauns han cheu tier Dieus alzau,
Leu seuni ed engirau;
De sedefender, star uni,
Ne reh, ne pauper schar piti.*
5. *Als prepotents han priu comiau;
Ed è lur meisa giu lavau;
Culs Alliai pli ferm uni,
Durmin pli lev sut quei Ischi.*
6. *Lein leger ora buns Signurs,
Che haigien compassiun cun nus;
A nus concedien bien ruaus,
E Dieus sei semper bein ludaus.*

Gm. Ga.
